

KENYA

sapa ngungak jendéla
 sapa tumenga akasa
 kenya,
 kenyané pak sasra
 kambi sapa aku mesti séba
 kambi sapa ngabyantara
 bengi iki
 kanggo wanci, kamulyan dina mburi
 kenya, kenyané pak sasra
 baya pulung tumiba
 kenya si 'jantung ati'
 kekudangan sing merak ati
 kaya wis kliwat kapang
 kaya patrapé si daḍang
 apa guna diéman
 diéman?
 kenya, kenyané pak sasra
 kenya, ngungak jendéla
 mandeng méga
 kagem sapa
 kecarepan ngrembuyung ing taman
 si kenya, kenyané guritan
 si kenya agegancangan
 kepyaké jaman
 apa mengko bisa séba
 angrengkuh kudangan
 apa mengko tumurun téja
 téjané kanyatan
 si kenya, kenyané pak sasra
 si kenya, darbèké sapa?
 giliran sing bakal teka
 papa klawan palastra.

Poer Adhie Prawoto

(in: Jaya Baya no. 4, September 1974).